

schaftten, oder auf eygenen, oder gemeynen Schloffen gefeffen, dergleichen Burger, Einwoner, Dienftknecht, oder andere dafelbft zu Wormbs, die von Schulden, Frävel, oder anderer Mißhandlung wegen, fich der Statt eüffern, zu befcheining folcher Sachen, Sprüch und Forderung, one gegründt Vrfachen, gegen Burgermeister und Rath zu Wormbs fürnemen- vnd ihnen mit andern Herrfchaftten anhangen, vnd Verftand machen, vnnnd darnach Recht, auf Fürften, Herren, Edel oder Gemeyn der Schlöffer, jres Vortheils vnd Gefallens bieten, vnnnd wöllen fich, gegen denen von Wormbs, keynes Rechtens, vor Vns, oder Vnferm Königlichen Cammer-Gericht, als jrer rechten Oberkeyt, vnnnd ordentlichem Gericht, benügen laffen, darauß zu Zeiten Angriffe vnnnd ander Vnrath erwachfen, das gemeyner Statt vnnnd Burgerfchaft, zu mercklicher Befchwerung vnnnd Nachtheil rayche. Vnd Vns defshalben dimüthiglichen angeruffen, vnnnd gebetten, daß Wir fie darinn zufürfehen, gnädigcklich gerüchen; Des haben Wir angefehen folch jr dimütig, zimlich bitt, auch die annämen, getrewen, vnnnd nützlichen Dienfte, fo die genanten Burgermeyfter, Rath, vnnnd Burger zu Wormbs, vnnnd jre Voreltern, Vns vnnnd vnfern Vorfaren am Reich oft willigcklichen gethan haben, vnnnd inn künftige Zeit wol thun follten vnnnd mögen. Vnd darumb mit wolbedachtem Muth, vnd zeitigem Rath Vnfer vnd des Reychs Fürften, Edeln vnnnd Getreüwen, denfelben Burgermeister, Rath vnnnd Burgern, gemeynlichen vnd fonderlich, der Statt Wurmbs, vnd jren Nachkommen, alle vnnnd jede, jre vnnnd gemeiner Statt Freyheiten, fo fie von Vns, Vnfern Vorfaren am Reich, Römifchen Kayfern vnnnd Königen haben. Vnnnd nemlich auch die Reformation, der Statt Wormbs Rechten, Statuten, Ord-